


Poëta 1563.

(Simonidis Simonis Lespol): Halcyonia Polonae,
Sacrae Regiae Maiestati et Angli-
sini Regni Poloniae, m. d. de Slesuariae
Ordinibus franc. Hilsken inscripsit
et publice recitavit.

311012

Biblioteka Jagiellońska.
I St. Dr.



II. C. 52.

POËTAE POLON.

N. 128.

11.

H. e. 52.

Poet. 1563.

HALCYONIA
POLONIAE,
SACRÆ REGIÆ
MAIESTATI,

Et

AMPLISSIMIS REGNI PO-
loniæ, Magnique Ducatus Lithua-
niæ Ordinibus,

*Franciscus Hilchen inscripsit, Et publice
recitavit.*

*Optime hoc (inscripsit et publice recitavit) additum:
nam qui scripsit, et recitandum commisit, est
Doctissimus vir Simon Simonides Leopoldus.*

Z A M O S C I I
Martinus Lenscius Typogr. Acad. excudebat.
Anno Domini M DC VIII.



LIBRARY
UNIVERSITY OF TORONTO



AMPHIBIOUS REEF
Johns, Richard
1880

Library of the University of Toronto
1880

311012

I br. St. Dr.

UNIVERSITY OF TORONTO
LIBRARY



HALCYONIA POLONIAE.

PA^X fuit in votis: patrie pax aurea meta est:
Non ea quæ bello, sed pactis quæritur: illam
Obtinuit tandem tot iam labentibus annis,
Pressa, fatigata, & miserandis casibus acta,
Ipsaque penè suis exclusa POLONIA terris.
Nec mirum est, mala multa bonum præcedere finem:
Bellorum hæc ratio est: per saxa, per aspera tesqua
Curritur, optatæ donec Capitolia pacis
Tangantur, cæliq; tegat clementia terras.

Multorum hic labor est: Procerum quoq; cura bonorum,
Quos studium patrie tenet, & miseratio tangit.
Gratia debetur multis; sed Maxime rerum,
Cuncta sciens & cunctavidens, tibi gratia primùm
Debetur: fieri fas est nova vota per aras.
Pro Regis, Regni, Procerum, populiq; salute.
Attulit auxilium Deus: vt nunc nube fugata
Accendit, nostræ foueat sic lampada pacis.

Proxima debetur SIS MVNDO gratia REGI:
Constat enim solidæ quòd amans sit pacis, & æqui.
Credibile est ciues Regni exultare per oras
Certatim, & pacis iustos memorare triumphos,
Quòd per te leges stent REX, & fœdera Regni,

*Libertas fecit, Procerum & pulcherrimus Ordo.
Eso tui semper similis velut hactenus: esto
Virtutum columen: tum fida columna Themistos:
Sic superi hoc studium pensabant fœnore triplo.*

*Tertia nunc Regni Procerum debetur honori
Gratia, tum partæ florens gloria palmæ.
Argumentum ingens, atque immortale dedistis,
Delecti pietate viri: sarcire ruinas
Qui patriæ nexu studuistis fortiter omnes.*


*Nec tu K I I O V I Æ Palatine indictus abibis
Z O L K I E V I patrone mihi: te Pallas abortu
Artibus ipsa tuo, pariter te robore Mauors
Impauide armauit dextræ: Respublica iactat
Ausâ fidemq; tuam, tua bellica facta notauit.
Vulnera quot capto haud tenuisti ferre Bicino,
Pro Patria, pro Rege nouo, pro Lege vetusta,
Exutus Michâel prædo, & Naleuâius armis,
Et Carolus referunt. Tua summa pericula belli,
Tot res quis memoret? Sed queis ego laudibus æquem
Cælo facta, truces, quæ, præcipitatus in hostes,
Impatiens tolerare malos, tu Marte probasti?
Notus amor patriæ tuus est, tua dextera nota est,
Dudum equidem nota hæc: verum nunc vidimus ipsum
Te laudes superare tuas: tu sana tulisti
Consilia in medium, longo medicamina morbo*

Grata

Grata ministrasti, nec te spississima reram
Magnarum moles cæptis absterruit, omnes
Lætus inexpleta subiisti mente labores.
Quid primum hîc laudem? tibi quæ præconia possunt
Justa dari? Namq; omne tuum (si verum fatebor)
Hoc opus, hic labor est. Regis tu sensibus imis,
Instillasti vltro diuinæ particulam auræ.
Quod post tot Regni fluctus, sæuasq; procellas,
Nunc demum Halcyones redeant, gliscentia cessent
Semina bellorum, tua præstitit inçlyta virtus.
Quam meritò te Rex extollit honoribus amplis
Ad maiora, fidem merces velut optima firmat.
Te meritò Procerum sanctissimus Ordo favore
Prosequitur, nec fucato dignatur honore,
Et meritò pro sorte tua longaq; salute,
Vota Deo soluit, soli tibi parma salutis
Contigit hæc nullis vnquam mutabilis annis.
Te prudens meritò Censor ZAMOSCIVS, orbis
Gloria Sarmatici, socium delegit, ad vsus
Quin etiam occultos dubiis in rebus habebat,
Ille tuæ fidei certa argumenta secutus,
Ingeniumq; sagax rimatus, & arte politum.

Maxima perstrinxi paucis. Nunc publica Regni
In mentem veniunt. Patriæ haud in gloria fulcra,
O vos concordēs animi, optatissima Regni,

Lithuanicq; soli membra, & quasi fulcra Senatus,
Antiqua virtute viri, quo carmine vestrum
Nomen pro meritis celebrem, aut quæ præmia reddam?
Quòd non vlla domi fuerint incommoda tanti,
Ut vos abstraherent rebus: quòd bella remota
Nunc sint: quòd tandem pax exoptata triumphet.
Quòd secuit nodos prudentia summa Senatus,
Quòd Labyrintheos Ariadnes regia flexus
Discussit, pressitq; omnes noua semita terras,
Et deforme chaos pulcherrimus ordo subegit,
Et placide lætos vitæ meditatur honores
Astræa: hoc vestri, vestri inquam muneris omne est.
Ergo vester honos, nomenq;, decusq; manebunt,
Dum pietas, dum pax, dumq; ipsa Polonia viuet.
Sed monstrate viam, noua quæ Comitæ Regni
Et Robore confirmet, quæ vos sanxistis in vrbe
Craconia, niueo versasus pectore, sano
C Judicio, planis rationibus, ordine dextro,
C Consilioq; graui, Patriæ nutantis amore.
C Principij laus magna boni est, sed maxima. FINIS.



Handwritten text in cursive script, possibly a name or title, written across the top of the page.

16
Handwritten number and possibly a name or date, written vertically on the right side of the page.

BIBLIOTHECA
VNIV. IAGELL.
CRACOVIENSIS.

BIBLIOTHECA
IAGELLONICA

Handwritten initials or mark in the bottom right corner.

